



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Benedicti Ariæ Montani Hispalensis Poemata**

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex  
Hebraica veritate in Latinum carmen obseruantissimè conuersi

**Arias Montano, Benito**

**Antverpiæ, 1589**

Psalm. LXXXI. Exultate Deo adiutori nostro.

**urn:nbn:de:hbz:466:1-44993**

- 15 Iam nunc armipotens ô D E V S huc redi,  
Et vitem memor hanc inspicere ab æthere;  
16 Ac plantam, tua quam dextera seuerat,  
Germen quod tibi fixeras.  
17 Ardet scissa ruens, ignibus ac perit,  
Dum vultus furor hanc increpuit tui,  
Dum flagrat facies ista, periculis  
Cunctis heu penitus subest.  
18 Constet iam ista manus, conferat ac viro,  
Quem dextræ extuleras præsidio tuæ;  
Et quem terrigenam tu tibi prouido  
Firmum robore feceras.  
19 A te distrahier, teque relinquere  
Continget minimè; viuere tu dabis  
Nobis, cura quibus tunc fuerit tui  
Cultus nominis vnica.  
20 I A S restituas armipotens D E V S  
Nos, ac da, facies splendeat vt tuæ;  
Nobis certa salus hæc fuerit: tuo  
Ergo hoc perface numine.

## P S A L M. LXXXI.

Exultate Deo adiutori nostro.

B E N I G N A E S A L V T I S  
G R A T V L A T I O.

1 Ad præstantem super Githith Afaphis

*Carmen Sapphicum.*

- 2 P R I N C I P I nostro canite, & potenti  
P R I N C I P I lætas geminate voces;  
Quem D E V M quondam tenuis benignus  
Sensit Iacob.  
3 Tollite huic hymnum, sonitusque ferte  
Tympani ac dulcis citharæ canoros;  
Tibiz his mixtæ, referantque lætum  
Nablia psalmum.  
4 Cùm refert cursum, renouatque mensis  
Certus, & festam repetit diem Sol,  
Quæ sacra in nostris numeratur annis,  
Clangite cornu.  
5 Sic statum multis tenet antè seclis  
Israel, postquam D E V S ipse Iacob  
Prouidus fouit; stata suntque ritè  
Debita iura.

I 3

6 Esse

- 6 Effē. quæ magno monumenta Ioseph  
 Is dabat, quando Pharij tyranni  
 Viferat terras, labij & colonos  
 Non mihi noti.
- 7 Ipse onus presso ex humero ferentis  
 Abstuli, ac palmas penitus remoui  
 Et cabos vda solitas & ollam  
 Fingere creta.
- 8 Rebus angustiis tibi me vocanti  
 Adfui sospes, tibi iura dixi  
 Abdius vasto tonitru; tui vsque  
 Quale periculum  
 Fecerim, testis Meribæ est aquarum  
 Riuus. His audi monitis, mihi que
- 9 Israël pare, & peregrina sperne  
 10 Numina cultor.
- 11 Sum tuus quando DEVS vnus IAS,  
 Quo duce & terras Pharias relinquis,  
 Os tuum profer, pete magna, magnis  
 Quippe replebo.
- 12 Vocibus nostris populus remissa  
 Aure contabat, mea nec volebat  
 Israël dicta aut retinere mente  
 Iussa fidei.
- 13 Ergo laxis hos rapidos habenis  
 Corde permisi nimium soluto  
 Ire qua præceps ageret libido,  
 Consiliūve.
- 14 O meus mi si populus fidelis  
 Vellet audire, ac potius viarum  
 Quæ voco præsens facilisque duco, in-  
 sistere calles:
- 15 Iam manu versa peterem prementes  
 Quos pauent hostes domitos; & IAB
- 16 Inuidos falsum trepidus profari  
 Cogeret horror:  
 Tempora & longum stabilita in ætuum
- 17 His forent: flore ac saturos benigni  
 Farris, è saxo liquidi replestem  
 Flumine mellis.